



海

海
天
地
人
一
體

海

石匏菴先

生遺集

石匏菴

序

余友石匏菴亾之秋八月令嗣
月川王香輩集其遺文藏諸笥
舟抵婁江叩扉請見丐序於余
余展卷讀之有頃泫然流涕而
言曰嗚呼此其爲亾友匏菴之



文乎匏菴家素貧然文以貧益
工未嘗不歎其終身抑鬱困頓
無聊而有文若此曾不獲厚遇
而徒得其遺編以相傳誦爲可
悼也匏菴少負異才慨然有大
志厭時習波靡思爲挽之渡大

江憩吾邑因結交焉時樽瓠趙
夫子與張天如受先諸先生方
以古學自任鼓勵後進匏菴聞
之敬謁執弟子禮甚恭因延於
臯之隱玉山房山房爲宋曾文
昭公讀書處澄泓十畝古木紛

披匏菴結茆數椽講習其中不
窺園者若而年上及史漢唐宋
以至諸子百家無不悉窮其奧
臯之得以古文辭勵其同學以
及後人者匏菴之力也夫何數
奇不偶屢困風簷匏菴不以自

阻感憤益學名籍籍江淮間遠
近之士負笈擔簦就而問業者
未易更僕數每列座譚經諸弟
子環侍匏菴蹶然興喟然歎曰
文運之衰也久矣竊怪今之人
負瓌瑋之姿者往往虛浮躁競

活剝生吞文藝不足炳耀於當時器識不足推崇於斯世而其下焉者則又卑鄙庸萎習爲腐儒老生之說而濂洛之學經史之書則鮮有窮其源而抉其要者起衰救敝其吾之責乎其吾

之責乎匏菴之志大都如此庚子秋余便郵至臯謹然道故握手論文命長君月川問字於余時月川聲名踔躒才器恢闔淹貫羣書漁獵諸史一時推爲學者仲子王香年甫總角操觚爲

文英特可愛余顧而樂之酒酣
匏菴盡出其文屬余評次余批
閱之暇見其往復紆徐渾灑流
轉卓然自成一家言避席請曰
君貧甚矣然文益工諸子又復
沉酣於古天蓋將老其才而奇

其遇也言未畢而匏菴唏吁太
息者久之亾何余南歸猶復音
書來往先後十餘年如一日今
年春聞匏菴以中酒卒而諸子
索余爲序嗟嗟余與匏菴交最
深且久猶憶其少時才雄氣壯

磊落嶽寄自謂取功名掇巍第
可操券而得及其壯且老也則
顛倒於棘闈縱情詩酒作爲文
章以洩其憤懣不平之氣而又
多遺亾缺畧散佚無存致令人
欲讀其全編而不可得良足惜

已雖然老泉之集得東坡穎濱
二子葺而傳之故簡而有要今
匏菴雖歿而有子月川王香輩
次第其文出其殘篇斷簡以問
諸世其與睂山蘇氏並傳不朽
斷斷無疑也因不辭而爲之序

時

康熙歲次己酉秋八月婁東眷

同學弟陳瑚言夏氏拜題



匏菴先生傳

匏菴先生姓石名璜氏夏宗如臯之東鄉人也
鄉人皆茅屋散處而石氏以名家世宗黨比居
故號爲石家雙瓦屋云祖東疇名昂徙居於城
父曰振響名函玉爲諸生屢試冠軍名藉甚匏
菴生而敏悟善讀古人書破萬卷雖事帖括爲
諸生然不屑趣合時宜而試亦冠軍學使西山
張公評其卷曰天生雋才非偶然爾好爲古文
詞讀莊子至匏落無所容語卽自號曰匏菴先

生先生爲文如風行水面來往無定跡而動則中矩又如李廣行軍所向無不自得故識者以爲歐公復出焉少與吳白耳善白耳亦東鄉人後徙於城善文章臯令吳公亟稱之爲諸生家貧力學一日渡江而南抵婁東謁張天如先生是時天如名重天下所過皆聯車結駟而白耳以布衣徒步門吏不爲通名不得見徘徊久之會天如送客出戶白耳歷左堦上牽其衣裾述所以遠道過從無他故徒以文章疑義相質辭

甚懇致天如先生笑而未答也頃之揖而進坐定白耳從懷中取數十百言天如讀未已不覺其席之前者三猶疑其有文飾也因命題面試之而下筆洵有能天如乃大奇之欵畱彌月所過名士大夫一一皆爲稱道而婁東有趙我完先生與天如善命白耳師事之及白耳北歸約與俱來而匏菴亦受業於門於是白耳匏菴南北翕然稱之二人之同游也各以時藝相尚然而白耳無他才技匏菴工書法善丹青皆有碩

師好飲酒醉輒悲歌慷慨頗能騎射尤精立門
惟不喜作詩以爲士子驚浮名往往挾詩策以
馳騁公卿間有僞詞無實學甚則夤緣爲奸故
匏菴甚以爲恥而不喜與詞客交及余之渡江
而北也有友爲余請見者置酒竟日夕衆皆謬
爲恭敬而匏菴獨不出一言經月餘從友處見
水繪菴記一篇乃同白耳過旅舍各質古文詞
與余定交復謂余曰余素不喜詩子今挾詩策
而來試爲盡言之言而果當又與子爲詩友矣

居歲餘余性戇與逆旅主人不合會金盡不得
去適有宗彥先生喜論詩得少憩匏菴聞之
乃奔走約數子過彥先宅議定同學從事者幾
何計余客次歲費幾何周備已而後及於攜酒
聯吟余因得以久留如臯者匏菴之力爲多匏
菴閒靜恂恂如不能言而每急人之急會有同
學李吾鼎以宗黨事連坐當流人皆惴惴恐禍
及莫爲謀而匏菴挺身出爲訴於法司雖會赦
免而前此得以毋害者匏菴之力也匏菴憤世

不古乃約數子及余爲法古堂會會專古文詩
詞而旁及於書法丹青無不以古人爲法也別
有記後歲餘數子相繼死者過半匏菴一夕中
酒而卒匏菴素通玄或以爲尸解云子三長月
川名泚次王香名湘次杜若名沅月川讀書過
目不怠髫年爲諸生試輒冠軍所著書有數十
萬言爲匏菴刻遺藁行世未幾亦以疾卒聞者
莫不爲之流涕王香亦負才爲諸生多涉書史
善詩文亦工丹青杜若入太學兄弟皆與余善

顏光祚曰匏菴才調固已迥絕倫表而自處高
潔不附青雲之士以膾炙人口生平文字幾於
散逸方幸月川繼跡將高大其門戶而爲眉山
父子之書奈何年少齋志以歿豈天之錫祐不
於斯人而別有屬耶抑亦更有厚待而報以濡
遲耶要諸泥古違今固非所宜况乎疆場未靖
方天子宵旰寢興理財治軍之不暇而何暇於
繁文欲僥倖以滋逸樂耶然則匏菴之不遇月
川之早歿宜矣

鄙渡江抵婁東從樽瓠趙夫子游遂與陳確菴
吳翼菴先生俱以理學經義名甲海內時家貧
甚囊蠹蕭然先君子盡粥生產挈一僕讀書金
椒爲文場計以亂阻不果迺避跡東邨築小室
如斗雜植名花先君子嘯傲其中日取史漢唐
宋諸大家文讀之駸駸乎其有得也暇日輒偕
二三父老攜斗酒蕩扁舟慷慨悲歌頽然自放
凡其志之所寓情之所感與夫古今興廢可悲
可憤之事悉於文發之以故文益工一時鮮出

其右者國初亂甫定或勸入城先君子乃復就
試試輒冠軍張西山先生校士江南得先子卷
擊節不置曰此今日昌黎也亟拔之然性恬退
不專功名講學於臯之東偏諸生徒問字者日
衆復集八閩陳祖隆東吳顏佳醕同邑黃宏音
諸先生於法古堂力以古學自任雖至篆籀丹
青無不悉窮其奧作爲詩歌一宗李杜盡去鍾
譚王李之習其爲文也崇正學不涉邪袤凡堅
僻詭秘之言暨浮屠老子之說舉無浸淫其志

者蓋剛方正直先君子素所樹立者然也已酉
春以中酒卒家徒四壁縹帙而外鮮有遺者先
兄爲搜遺文葺成帙勉力付梓功未竣而先兄
亦繼歿湘不肖材庸質謏每以不克振拔有愧
先人爲恨爰爲校訂續而成之其先兄文集不
下數十萬言行將取而問諸世嗟嗟以余父兄
之肆力於文者澁而皆卓然以古人自命乃一
旦中道棄捐齋志以歿徒撫其遺編而潛然泣
下也豈非湘大不幸耶其有當代名公卿暨賢
豪長者閱先君子之文更相傳播藉以垂不朽
是則湘所頌首而望也夫

男湘百拜謹識

鮑菴先生遺集

日次

如臯石

璜夏宗甫著

男

伊月川甫敬輯

賦

卷之一

後蕪城賦

詩

秋日同諸子讌會詩春晴

傷春二首

登望江樓

梅

雨不絕

黃石齋先生墨蹟 送顏佳胤二首

早起二首 宿國表西邨十首

蟬日同游于鵝會館 六月七日雨鯉

五月日食 觀刈麥

所思 夜過也木山房

懷吳國表 雨

涼風 石菖蒲

大水 過佳胤客寓三首

七夕 揚州早鴈

懷湯旌三 送陳確菴二首

舟夜同諸子 送瞿有仲歸虞山

十一月集露香園 皖張玉楚侍父病

昏鴉 畫蘭

送湯思曠南歸 贈余公佑先生

蛩 同諸子過陳雪龕

八月水溢 秋夜

蛩 秋夜

猛虎行二首 漁父詞二首

勢者先生遺集 目次
八月十七夜

畫竹

鴈

畫竹三首

再送毛亦史歸婁東猛虎

虞美人花

鴈

促織

田父詞

懷金陵友人

除夕

賦得霜葉紅于二月花

匏菴先生遺集

目次

如臯石

璜夏宗甫著

男

伊月川甫敬輯

書

卷之二

答冒嵩少先生書

與吳白耳論交書

序

如臯修學序

重修學宮序

廣育嬰兒序

法古堂初集序

宗方城先生論序

釋中湧詩集序

序 卷之三

贈許元錫序

贈友人序

贈謝震生先生序

贈戴又逢先生序

送廣文蘇克承序

贈余嘉玉連玉序

代贈范明府序

贈某少府序

壽冒翁九十序

李夫人六十壽序

論 卷之四

參天兩地而倚數論

中立而不倚論

奇正發於無窮之源論

召名儒十八人爲學士論

論子路論

孔範論

辨

四君優劣辨

傳

劉節婦傳

顧貞婦傳

乞兒傳

記
卷之五

如臯縣重修尊經閣記

渭水硯記

重修都天廟記

雜著

書百善圖後

書冒辟疆回生書後

墓誌銘

墓許東明先生暨石夫人合葬墓誌銘

祭文

祭外舅劉青霞文

祭黃公文

祭劉彥如文

祭劉虎繡文

祭家爾德文

祭家嵩螺文

祭某偕某孺人祔葬文

祭某孺人葬文

祭姪某文

祭陳君文

哀辭

陳公哀辭



荆楚文類

袁備

荆楚文類

荆楚文類

荆楚文類

魏菴先生遺集

卷之一

如臯石璜夏宗甫著

男 洪月川甫敬輯

早賦

後蕪城賦

廣陵自吳王濞叛逆故堞傾頽號曰蕪

城宋鮑叅軍適有荊州之變事同於濞

作蕪城賦以諷之蓋千百年於此矣予

也遭凋殘之後亂極復治治必自廣陵

始後叅軍作者傷心今昔極目盛衰殆
有感焉然非叅軍志也

俯茲輿區南楚東越是其衛西蜀北徐以爲屏
飛輓而入貢道必經都邑據咽喉之地江淮固
保障之形漢晉以後唐宋而還諸藩作鎮離宮
早設陸海四通岡陵九折乃煮水鑄山墾田輸
粟豐殷比戶爛熳成俗闐巷而遊有女如玉簫
鼓紛紜少長躑躅晝沉芍藥之攔夜度粟留之
曲秋把茱萸春踏芳洲水亭竹館畫閣朱樓盈

盈逐逐如醉如流泊乎晚季猝起烽烟建崇牙
開帥府太尉張幕將軍列櫓濬千尋之壑增百
丈之墉睥睨轟乎若列峰盤渦激乎比暴深以
故峭塹崔嵬寒濤洶湧列戟森羅戍士驍勇自
以爲設險阻而憑威恃長城而毋恐亡何虎士
南馳鉦鼓西聞旌旗蔽日矢石飛雲竟同礪下
而入煙焚鬻策一聲莫贖百死抽刃摧鋒殺夫
屠子骨填枯井血濺瓦礫狐狸上屋鼯鼯啼壁
鶴唳荒臺月冷玉笛衰草迷離空闌闌寂野老

觸景而吞聲寡婦終宵而號泣慘怛何深悲啼
不已冉冉城上雲濛濛池下水雲留水不去風
沙四面起若夫南國僊姿西亭麗質心繡素箋
歌縷錦瑟與夫梅花閣下之詩碧紗院裏之筆
莫不音杳響沉香散烟滅陳檄失而沒亡李碑
埋而斷絕于今金湯重開陰暄非昨風雅以爲
干櫓文治起乎寥落司李關其門處士羅其幕
將使七子韜鋒八公歛鍔奚啻誇鄴下之章勝
淮南之作哉王道如何世變弘多因虛調遠爲

蕪城之歌歌曰秋風瑟瑟兮邢水寒白石齒齒
兮蘭蕙殘思公子兮宛在欲辯兮忘言

公南亭發思公千古名流於世公之言
落葉之聲如日行風瑟瑟令水寒曰不商商

詩

秋日同諸子過顏佳胤客舍讌會詩

昔日城西樓今寓江南客樓上有烏啼樓下見
霜白更聞風蕭蕭誰能堪此夕繞室起徬徨憂
傷難自釋嗟我二三子時至幽人宅佩服在芝
蘭結交比金石同是處艱虞豈異被驅迫天路
未可登險仄不容席良人雖永懷贖死身非百
慷慨而悲哀途窮且奚適慎勿棄兕觥中心常
嗚嗚

春晴

十日陰濃回夕照半堤水落見蒼苔却聽竹裏
鳴鳩少漸喜原頭牧笛來隔岸依稀縈弱柳沿
堦狼藉亂殘梅故園春色猶堪問躑躅狂呼酒
百杯

傷春

滄江春色已無多苦雨颼風竟若何花落仙源
愁鼓棹燕歸舊壘恐張羅頻年西塞還青笠半
壁南山有白波忽憶故人今在否攜琴載酒重

相過

其二

隋堤吳苑接蒼烟桺鞦韆花殷倍愴然袁粲冢荒
留石馬李邕碑斷沒江泉三山雨暗蛟門外九
曲雲深螢苑邊且此放歌聊縱酒那堪樹下聽
啼鶻

登望江樓

祀梓潼也

春滿江城帶曉烟城頭高閣敞初筵霓裳曲奏
文星下翠羽車來朝日邊檻外行雲還泛泛檐

前飛鳥故翩翩萬家極目渾無際拜舞真疑上
九天

梅

寒梅風雨後白雪與花飛積石難分徑深雲只
掩扉笛聲何處落驛使幾時歸憶舊江南夢生
憎別恨微

雨不絕

積雨春城獨黯然呀翻白浪到籬邊幾窺破屋
防傾壁莫向卑田問有年家家歸人愁石徑棲

棲宿鳥下江煙無聊且醉黃昏後似聽山家竹
下泉

觀黃石齋先生龍江別友墨蹟

十載風煙嘆故墟當年事蹟竟何如青霜白日
標孤節錦軸牙籤見法書惜別滄江秋鴈冷愁
歸漳水碧雲虛悲涼此夕寧堪論弔古空山恨
有餘

送顏佳胤移居西邨兼寄吳國表

送君城北路卜宅浣花溪既嘆琴書遠猶疑竹

樹迷鹿車流水畔鷄黍夕陽西興到還攜酒清
風策杖藜

其二

每憶雲深處幽棲數十家主人耽小隱僻徑有
山花放艇滄江暮論詩歲月賒結鄰因季子攜
手共煙霞

早起

西邨高臥起細雨曉風吹為愛幽棲好能令返
棹遲阮家竹下榻王粲客中詩須惜別離後無

忘樽酒期

夏日訪顏佳胤宿吳國表西邨

十里過松筠邨深隱釣綸遊雲仍冉冉孤石自
粼粼不覺鷄飛樹何妨犬吠人晚涼江上路前
度問東隣

其二

為問南州客頻來處士家步兵同一醉季子復
何加傍水陳湘簟看童吹落花出詩三十卷相
對夕陽斜

其三

東隣樹影密西野草堂殊有客招同隱主人意
不孤松間看出月竹下聽啼烏燈火胡床夕論
文酒一壺

其四

因君多古意迥與世情疎木榻留花影牙籤滿
架書狂顏新卜宅小阮近移居只爲棲遲久遙
憐北郭虛

其五

自爾遲歸棹起予逸興殊榴花明石磴荇菜供
山厨既作登樓賦應還合浦珠無令鄉夢少把
酒定相須

其六

此日同淹泊行吟興未闌數斟金谷酒仍進水
晶盤樹老孤邨黑雲深五月寒飛飛暮天鶴江
渚獨歸難

其七

最愛樹扶疎還來看浴鳧偶臨多寶塔復作輞

教者先生遺集 卷一
川圖竹葉杯同盡蓮花劍合呼翻疑射柳會走
馬向平蕪

其八

故國尚多夢高歌竟未歸相期思渺渺獨立雨
霏霏狂士還青眼山人原白衣關河猶在目征
伐幾時稀

其九

淦淦暮雲合泠泠驟雨收幾灣看起漲一夕冷
於秋綠野簑經濕青溪鳥自浮行人依岸柳去

路有扁舟

其十

回首西郊路牛羊下夕坡愁心差有托歸思竟
如何絕代風流少經年離別多還期扶醉後拄
杖入煙蘿

蟬

亭亭竹樹迥杳杳夏蟬聞穢地知先蛻秋蟲氣
已分飲承五夜露聲散一林雲丘壑雖云改高
高不可群

六月七日雨鯉

江城六月雨赤鯉落城隈莫道凌雲上渾疑鼓浪來蜚騰隨入霧犀戲噴成雷鱗甲秋風動龍門去不迴

五月日食

災異頻年見渾儀應不虛乘陽何太甚食既已無餘愁絕春秋志憂淡辛卯書君人須警德天變任消除

觀刈麥

何事山中臥一牛騎歸竹下暮雲收遲回七澤悲笳夕顛倒三農急麥秋蠶婦嗟予猶未織官家輸爾不須憂十年拋却故園夢短笛悠悠向隴頭

所思

昔年古寺論文地此日荒涼池上臺半壑松杉猶未改一庭樽酒爲誰開北邙草長無人問東野雲深有鴈來迴首不須重涕淚絲絲短鬢漸相催

夜過也木山房訪顏佳胤

古院鐘聲樹影稀僧房杳杳梵音微同來夜語
江南客不厭風吹池上衣隔岍流螢隨水沒半
巖獨鶴傍人歸經過故壘懷公子嘆息徒勞事
已違

懷吳國表兼寄顏佳胤

漫道吳郎能辟地還開竹戶揖延之迴溪冉冉
客同步小閣陰陰時更宜莫爲深邨聯句好遂
忘蕭寺聽鐘遲相思經夕幾回夢秋月黃花與

子期

雨

邨居亢旱折耕犁入市輕翻沒馬蹄在昔恐泥
歸棹淺於今煎急柴門低最憐浴鳧時下上只
合泛梗隨東西寒裳涉水江頭老白首擔鹽還
杖藜

涼風

所思不可見悵望暮雲平七月涼風至經年白
髮生鴈歸猶度影蛩語更含情可奈城樓外林

鴉處處聲

石菖蒲

惟汝最清潔節生葉亦繁
絲絲苔作護齒齒石爲根
久隱魚龍窟還留雲霧屯
山人採入室服食不須論

大水

忽驚殷地有奔雷早見沙頭水勢迴
亂入卑田傾破壁漫經故壘浸荒臺
吳兒解水輕來往漁子鳴榔獨溯洄
倚杖歌殘長日晚野鷗泛泛莫

相猜

過顏佳胤客寓適吳國表至

思君聊策杖好友况相過漫說年來事相憐醉後歌
鹿門山未遠燕市客如何一任江城暮蕭蕭班馬多

其二

出郭經旬久歸恍數里遲興言有同好吾輩復何之
雙屐浮雲在奚囊小閣宜渾忘返城市隨分坐題詩

其三

忽憶西邨夕論文過夜分至今猶入夢不謂更
逢君漠漠溪田雨戎戎江市雲往來成夙昔遮
莫嘆離群

七夕

去秋七夕鄉園夢今日鄉園客夢過每憶邗流
吹玉笛還依草閣問銀河久知天上無橋度肯
效人間乞巧多家寔不堪回首夜看雲獨酌且
高歌

揚州早鴈

黃雲澹澹西風微旅鴈初過鳴且飛飛飛向暖
沙磧違北地酸寒凍與饑雷塘秋至稻梁肥玉
鉤斜冷行人稀離群獨往失所依月明洲渚胡
不歸歸來傍晚起漁歌高高雲漢凌江波早度
邗關樓閣多徘徊四顧畏網羅水濶蘆深奈若
何

懷湯旌三兼寄顧龍坡

每憶當年追石寺還愁此日去金臺長淮浪捲

帆相亞野浦風狂鴈不迴漠漠烽烟誰念別蕭
蕭驛使只頻催煙波滿眼分南北何日重尋江
上梅

送陳確菴歸婁東二首

極目湖關曙色開送君歸去重徘徊蔚邨幾曲
南州遠畫楫經年北地來行路詩篇俱遣典故
宮花草盡成灰婁東夫子淪亡久

謂樽瓠趙夫子

書劔

飄零畫角哀

蔚邨確菴所居

其二

縱遊帆挂一千里憶舊悲連二十年何處論心
同白日幾回搔首問青天到來隻鴈荒臺月歸
去孤雲別浦船明歲相期車馬渡應攜斗酒聽
啼鵲

舟夜同蘇克廉張季雅諸子

曲水平陂邨市圓經過十里夜開船相逢獨樹
孤禽下坐見片帆明月懸袒跣呼盧此何事顛
狂漉酒憶當年離家信宿家非遠歸路透迤沙
渚邊

送瞿有仲歸虞山

確菴高弟

負笈能從夫子遊，昭陽直下渡邗溝。七言曾咏

三千卷，五步聞崩十二樓。

有仲客昭陽市樓崩去馬咫尺

車馬

湖濱月皎皎，鳳凰池古水悠悠。驪歌忽聽扁舟

遠，枹鼓還添江上愁。

車馬湖鳳凰池皆余邑名勝

十一月同吳白耳蘇子儀諸子集露香園

劉文起後至

寒園颯颯晚煙微，二妙于今共掩扉。添酒未殘

當日興，校書豈與故人違。鴈飛一字因風遠，鶴

立雙林刷羽稀。遲爾幾年常竝駕，鹿門猶恐未

同歸

皖張玉楚侍父病且歿，流寇至不去，與子

超藝歿之

皖城江上亂如麻，皖城山下兵交加。吳楚角聲

殷地起，數騎突入張子家。張子有親年八十，歿

生辟易何嗟及，奄奄苦塊氣息微。不辭鋒刃情

依依，更有孤兒相枕抱。中堂血濺願無違，慘慘

啼鳥止枯木，哀哀營壘北山北。喪亂經過二十

年祖孫父子誰晏然皖城張老今已矣不道有
孫兼有子眼看松柏久青青莫教哭向江頭水
昏鴉
古院昏鴉色飛飛到水湄呼群啄大屋引子上
高枝却抱鷹鷂性那知矰繳危寒風催更急巢
覆復何之

畫蘭

楚畹湘江浮古屋冉冉蘭香生一幅跌蕩飄忽
已難追無意落花花簇簇未成枝葉先有神苔

蒼石古生氣勻何事當年紉爲佩使我狂歌憶
古人

送湯思曠南歸兼與顏佳胤

原頭春草鶴鴿飛杖策遠來叩夕扉客路親朋
相見少連床風雨又重違短長亭外愁征鴈南
北江邊夢落暉我爲故人同惜別心隨流水送
君歸

贈余公佑先生

松菊猶存三徑秋鶴鳴嘹唳鹿呦呦剡溪亂後

卷一
碁仍逸栗里晚來詩更幽遺老風流還甲子兩
朝人物自春秋爲將樽酒同情好月夜邨南好

放舟

公佑別業
在余邨南

蛩

高樓城北宅入夜聽蛩吟是物乘秋氣悠然動
我心漸愁來竹戶不比在花陰到晚聲微細悲
涼寒不禁

秋夜同諸子過陳雪龕留飲

秋夜月明中更深萬慮空何曾墮客淚不必怨

西風自取物常靜寧爲世所攻張琴適我趣擊
劍與君同俠士孤峰出高人古道通還留醉後
飲欲睡老來翁天曠摩雲鶴風清歸浦鴻無忘
持夾袋只待訪山公

八月水溢

經年戍鼓滿滄洲災異頻驚又此秋風烈沙崩
禾斷折江翻石走水橫流千家沒入魚龍窟何
處愁登煙雨樓更嘆催科爲報最呼門小吏急
誅求

秋夜

夜深已見微霜下坐久還看殘月明城上三更
初點點天邊一鴈獨聲聲悲秋詞賦無公子泣
路疎狂有步兵嘆息中宵愁白髮振衣顛倒不
勝情

蛩

秋夜寒蛩入空庭月色侵含情聲不斷曾向玉
階吟

秋夜

月明霜白坐江樓欲捲湘簾懶上鉤何處城頭
吹玉笛西風一夜古涼州

猛虎行

東北有高陵巖色若青螺上巖生惡樗下巖長
綠莎猛虎出其間托體穴中阿饑亦不得食咆
哮下山坡朝餐獐與兔暮膳駝與羸百獸俱辟
易六畜皆奔波貪人飫宿飽白骨何嗟峨哀哀
一寡婦夫歿喪兒多喪夫既已悲兒亡更奈何
歿亦無所愬生亦無如那聞者向隅泣行者不

敢過春者廢其謳樵者忘其歌辟彼驚弦鳥飛
飛避網羅安得歛凶威負子北渡河

其二

磊磊南山石中有萬古宅萬古宅下壯士身腰
間寶劍光鱗鱗慣使威神衛君子盡殺世間輕
薄人少年勇俠固無比白首報仇猶未已中心
不平起牢騷家無擔石意氣豪意氣如雲不憚
老斬頭陷胸何足道憶昔荆楚遊常飲大江流
日月如丸弄步武踏神州丈夫豈肯受偏側誰

能饑從猛虎食但見猛虎張爪牙裂眦衝冠怒
倍加虬髯如戟面如鐵少舒猿臂寶雕急暗鳴
叱咤廢千人跨下飛龍白於雪獨騎奔騰鳴角
弓鴈翎落處兼斃熊聲勢如崩山摧迸拔木飛
沙起大風束縛歸來何太急虎子縮栗不敢泣
咆哮支撐亦徒然迴首高原斜照入寢皮食肉
馳青郊更入長橋斷毒蛟

漁父詞

投竿設網蘆洲水捕得魚來市門裏隨分金錢

換酒歸長歌一醉而已矣市門存者幾侯家漁
父夜夜興猶賒醉臥霜堤明月上耳邊聒聒任
啼鴉

其二

白蘋洲紅蓼洲昔時明月清風夜盪舟今日在
風晝號水奔流那能挺義破浪出且任江心下
釣鈎鈎得龍子醢爲鮓薦爲修長鯨不敢動巨
鰲更爲愁神人告我隨時休白霧漫漫水悠悠
溯洄下上豈自由臧丈人任公子與爾呼盧飲

酒恣群遊澥澗天空何所求

八月十七夜

中秋纔二日缺月已初更仍飲故人酒直追前
夜情露零光未減桂落影還清此夕誰虛度鄰
樓少婦箏

畫竹

我羨古堂北墨竹見孤直挺節只自持所處無
荆棘冽冽清泉間粼粼白石側惟有松柏知霜
雪撓不得明月時再來清光復何極

鴈

紫塞三千里哀鳴竟未歸但知明月夜不背故
宮飛

畫竹

畫竹何所似彷彿瀟湘寺墨痕何班班疑是妃
子淚

其二

輕綃一幅畫湘江疎影蕭蕭未可降只恐黃昏
人別後半天風雨打蓬窗

其三

問君何事寫蒼筤孤直亭亭不畏霜却把短檠
看素影還疑明月下瀟湘

再送毛亦史歸婁東次韻

送君重別去兩度柳青青杖劍辭荒寺啣杯坐
此亭愁深因覆雨歸急更披星可奈江城曲離
人不忍聽

猛虎

北平太守李將軍射獵南山勇氣聞一日生擒

雙猛虎還馳鐵騎掃燕雲

虞美人花

垓下東歸血未收牙旗黯黯美人頭至今春草尚留色偏映江濤向楚流

鴈

蜀江萬里下東流一鴈孤鳴歷九秋催動寒砧夜夜急征衣那到玉關頭

促織

爾亦知時變逢秋便苦吟非關兵氣入也動客

愁深少婦淚初落征人思不禁誰憐明月夜慘切助寒砧

田父詞

雨濛濛流淙淙溝塍傾注忙山農草簑竹笠煙霧中轆轤不鳴新苗綠牛下溪潭低舐犢抱兒閒看鷄啄粟倦向北窻晝眠足三時歷盡鴈南飛高隴卑畦稻梁肥塲圃委積高廩滿金貴穀賤賈客稀促婦開缸且釀酒酒熟呼樽共鄰叟顛倒日暮莫高歌恐有官家小吏過

李希先先生遺集 卷一 三 治下堂
懷金陵友人

不到秦淮渡思君未可攀那堪經五載徒自憶
三山去燕天邊急賓鴻雲外閒自憐衰病久猶
夢過江關

賦得霜葉紅于二月花

淡山紅樹晚石徑幾回斜秋老猶春色溪明盡
落霞寒天霜作錦夜月葉爲花疑是桃源路辟
秦有幾家

除夕

嘆息寒將盡蹉跎又一年長貧兒不怨垂老婦
相憐夜半仍添酒燈殘更理絃明朝逢客至肯
惜杖頭錢

包氏先生遺集 卷一 詩 三

匏菴先生遺
集如皋石璜
撰康熙己酉
刊本五卷三冊

